



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hermes Theologicvs, Id est Synopsis totius Theologiæ, perspicuè, doctè, subtiliter, ac breviter discussa

Et In octo Partes ... distincta ...

De Deo Vno, & Trino

Vindalium, 1646

Sect. II. An Ecclesiæ, & Saluti necessaria sit Theologia.

urn:nbn:de:hbz:466:1-38742

SECTIO II.

*An Ecclesia, & saluti necessaria sit
Theologia.*

CONCLUSIO I.

Non tantum assensus fidei, sed præterea aliquis assensus Theologicus adultis est simpliciter necessarius.

Prima pars quoad necessitatē fidei, est apud omnes certa, ex D. Paulo ad Heb. 11. & probabitur in materiâ de fide.

2. Pars Probat. Quia adultus si diu viuat debet actiones & intentiones suas ad vltimum finem supernaturalem ordinare vt saluetur; at qui hæc destinatio fieri nequit sine aliquo discursu & assensu Theologico, deducto ex principiis fidei, atque adeò sæpe sine multis eiusmodi assensibus, ergo neque adultus potest sine iis saluari. Maior est certa, quia saluandus si adultus sit & diu viuat, debet ad Deum aliquas actiones suas & intentiones referre. Minor probatur experiētiâ continuâ, & præterea ratione.

PROOEMIUM. 5

Nisi enim quisque ex principiis fidei inferat quid sibi hîc & nunc sit agendum; quo modo tentationibus resistendum, quando orandum, quid omittendum, quid faciendum, & similia, nunquam consentaneè ad finem suum consequendum operabitur. Quod probatur, quia singularia quæ spectant ad actiones huius vel illius non sunt nobis immediatè reuelata, sed debent ex Principiis reuelatis deduci, in quibus inferendis discursus Theologicus occupatur; & quidem multæ ex his conclusionibus Theologicis etiam imperitis & rudioribus in expedito sunt, & in promptu; ad alias verò eliciendas plus ingenij, eruditionisque desideratur; sunt que præterea doctiores consulendi, ergo præter fidem multi assensus Theologici & consequenter doctrina Theologica modo explicato desideratur.

CONCLUSIO II. Theologia etiam ut à fide distinguitur & significat scientiam proprio studio & labore comparatam ex fidei principiis inferendo; semper fuit, & est hodie necessaria ad Ecclesiæ conseruationem, spectatâ ordinariâ Dei prouidentia.

CONCLUSIO Est contra Hæreticos qui non minus vesanè quam

6 PROOEMIUM.

fraudulenter contendunt Theologiam Ecclesiæ esse noxiam, ne scilicet eorum errores Theologorû rationibus aperiãtur, & profligentur, vide molinam hic disput. 2. Arrubal. c. 2. 3. 4. 5. Valenti. pu. 2 Vasq. Gillium lib. 1. Tracta. 1. a. cap. 2.

Probatum quia fides necessaria est ad Ecclesiæ statum & conseruationem, ergo etiam Theologia. Probatum consequentia, quia non tantum extra Ecclesiam, sed etiam intra multi sæpè existunt corruptissimis moribus, qui fidem oppugnant, & errores serunt & alij boni, qui rationem dictorum exigunt, præterea multæ difficultates circa res ipsas reuelatas existere possunt, non enim omnia Deus explicitè reuelauit, nec consentaneum iudicauit de nouo quotidie reuelare; ergo vt his omnibus incommodis occurratur, Theologiæ disciplina necessaria est, vt diutiùs fides ab erroribus intracta conseruetur lege Granadam, Fasolum, Zumel, & imprimis eruditum ad subtilem P. Ioseph. August. Panorm. in Comment. in 1. partim. recessus excusis. Deinde cum res fidei captum humanum longè excedant, debent illustrari, & defendi ope Theologiæ, vt intellectus iis firmiter assentiatur: Eo vel

maximè, quia assensus fidei debet esse prudens, qualis non esset, si homo rebus obscurissimis, & difficilimis assensum præberet, antequam ipsi sufficienter essent explicatè, & variis rationibus confirmatæ.

Vt autem hæc omnia commodiùs intelligantur proderit notanda quædam subtexere, Nota 1. Theologiam scholasticam non extitisse ante Magistri tempora, quoad methodum, & ordinem quo traditur in scholis; qua ratione non est necessaria ad salutem, licet sit valdè utilis: extitisse tamen quoad suam substantiam, seu quatenus est habitus scientificus varias conclusiones ex reuelatis deducens, quo sensu dicimus eam ad salutem esse necessariam.

Nota 2 Non omnes qui saluantur esse Theologos, eos tamen non saluari sine ope Theologix; quæ proinde etsi non sit necessaria in singulis, est tamen necessaria pro singulis, saltem vt plurimum, & spectata via ordinaria qua fides in adultis gigni, & augeri solet.

Dico vt plurimum, nam interdum contingere potest, vt quis extraornariè, viso, verbi causa, aliquo insigni miraculo, tam efficaciter à Deo moueatur, tantæque luce perfundatur, vt sine alia de-

3 PROOEMIUM.
claratione, aut probatione Myfteriorum
fidei, iis propofitis ftatim aſſentiatur.

SECTIO III.

An fit Sapientia.

CONCLUSIO VNICA.

Theologia noſtra meretur propriè
nomen ſapientiæ.) Ratio eſt, quia
conditiones veræ ſapientiæ illi compe-
tunt, agit enim de rebus propè infinitis,
quæ ſub reuelationem cadunt; conſide-
rat res difficillimas, & à ſenſu remotiſ-
ſimas; multo maiorem habet certitudi-
nem quam ſcientiæ naturales; verſatur
circa cauſas vniuerſaliſſimas rerû om-
nium, & per illas iudicat de inferiori-
bus ſcientiis, eaſque dirigit ad verita-
tem: ac denique ipſa non ordinatur ad
alias, quin potiùs aliæ debent ad eam
ordinari, vt illi famulentur, & ab ea
corrigantur.

Neque refert, quod in vulgari diui-
ſione habituum intellectualium, ſapien-
tia ponatur vt habitus à ſcientia diſtin-
ctus: nam duobus modis poteſt aliquid